



Publicaziuns dalla vischnaunca, jamna 13

Damonda da baghegiar

Nr. 2010-1003/04

Datum da publicaziun: igl 1. d'avrel 2011

Il patrun: Sennaria Surselva SA, Via Lucmagn 33, 7180 Disentis/Mustér

Il representant: Sennaria Surselva SA, Via Lucmagn 33, 7180 Disentis/Mustér

Object: Cascharia nova, cumpletaziun d'in indrez per drenar scharun (Umkehrosmose), parcella 2883, Via Lucmagn, 7180 Disentis/Mustér

Nr. 2011-1023

Datum da publicaziun: igl 1. d'avrel 2011

Il patrun: Recal AG Via Alpsu 49, 7180 Disentis/Mustér

Il representant: Iso Mazzetta biro d'inschignier, Via principala 125, 7166 Trun

Object: Scaldament lontan (nova lingia da provediment pil Center da sport e cultura), parcel- las 3626, 2945, 2903, 2872, 607, 2848, 1353, 1350, 1354, 1355, 1356, 1357 e1351, Val Rie- ven, Gonda, Acla da Fontauna, 7180 Disentis/Mustér

Nr. 2011-1024

Datum da publicaziun: igl 1. d'avrel 2011

La patruna: Marianne Mittelholzer, Casa Mioni, Via Disla 18, 7180 Disentis/Mustér

Il representant: Rico de Castelberg-Bühler, Via Alpsu 2, 7180 Disentis/Mustér

Object: Plaz da curtin cuvretg cun cheminée, parcella 1774, Via Disla 35, 7180 Disen- tis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta- scretta dil recurrent ni da siu representant.

Disentis/Mustér, ils 29-3-2011

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2011-2024

Claustra Disentis/Mustér, Via Claustra 3, 7180 Disentis/Mustér; remplazzar las storas dils baghetgs da scola, parcella 580, Via Sogn Sigisbert 1 e 2, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastanza communal. Disentis/Mustér, ils 29-3-2011

Uffeci da baghegiar

Disentis/Mustér



Referendum facultativ spirau

Il 25 da fevrer 2011 ha il cussegl da vischnaunca approbau dus credits, numnadamein 180 000 francs pil remplazzament dil scaldament ed in secund credit da 100 000 francs per adattaziuns internas (regulaziun dalla calira) el Center da sport e cultura.

Encunter quellas decisiuns ei enteifer il termin fixau buca vegniu fatg diever dil referendum facultativ, aschia ch'ils credits ein approvai definitivamein.

Suprastonza communal

Purschida gratuita

La vischnaunca da Mustér porscha a ses habitonts la pussevladad da visitar gratuitamein la *Casa da traffic* a Lucerna, www.verkehrshaus.ch. Al spurtegl dall'administraziun communal sa per **mintga di** digl onn vegnir retratg **5 entradas gratuitas**. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reducziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiare cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.

Suprastonza communal

Midada d'adresa enteifer vischnaunca

Tgi che mida casa **enteifer la vischnaunca** ei obligaus d'annunziar la nova adresa all'administraziun communal enteifer 8 dis.

*Controlla da habitonts
Disentis/Mustér*

Controlla da habitonts

Mortori

Maria Barla Desax, naschida ils 6-5-1933, morta ils 23-3-2011.

Bus local d'unviern: Adattaziun digl urari

Muort las relaziuns semidadas (migeivlas temperaturas, munconza da neiv, pign diember da hosps e minimalas frequenzas) cursescha il bus local d'unviern mo pli entochen

dumengia, ils 3 d'avrel 2011.

Nus supplichein la populaziun ed ils hosps da vacanzas da prender enconuschientscha da quell'adattaziun ed engraziein per la capientscha.

*Vischnaunca Disentis/Mustér
Sedrun Mustér Turissem*



**Corporaziun d'aua «Las Fontaunas»
Mumpé Medel: Invit alla radunonza generala**

**Mardis, ils 12 d'avrel 2011 allas 20.00
el local dall'uniun da scursalar, Mumpé Medel.**

Tractandas:

1. Beinvegni
2. Elecziun dumbravuschs
3. Prelecziun ed approvaziun dil protocol dils 25-5-2010
4. Rapport dil president
5. Rendaquen, rapport dils revisurs e dar scarica
6. Orientaziun e decisiun project 2008/12, 3. etapa
7. Program da lavur
8. Varia

A stedia participaziun envida
la suprastonza

Clom d'urgenza 118

Preziasas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds.

Perquei s'adrebbein nus a Vus cun ina ferventa supplica: **clamei ils pumpiers mo sur il clom d'urgenza 118**. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas.

Ulteriuras informaziuns era davart la prevenziun anfleis Vus sin nossa pagina
www.pumpiers-sursassiala.ch.

Engraziel per Vies sustegn!
Vos pumpiers Sursassiala

Dis dallas portas aviartas

Geniturs ed autras persunas interessadas vid la scola han la pusseivladad da visitar lur affons durant l'instrucziun e quei sco suonda:

Scoletta: **Gliendisdis, ils 4 d'avrel 2011**
1. classa: **Gievgia, ils 7 d'avrel 2011**
2. classa: **Venderdis, ils 8 d'avrel 2011**
3./4. classa: **Mardis, ils 5 d'avrel 2011**
5./6. classa: **Venderdis, ils 8 d'avrel 2011**
Scalem superiur: **Gievgia, ils 7 d'avrel 2011**

Ils affons e las persunas d'instrucziun selegnan da Vossa viseta.

Annunzias per scoletta ed emprema classa

Annunzias pil niev onn da scola 2011/12 per la scoletta e l'emprema classa ein da tarmetter tochen **ils 4 d'avrel 2011** al meinascola (Kai Hinrichsen, Via da scola 5, 7180 Mustér).



Giuventetgna Cadi e scola populara Disentis/Mustér
Co ir entuorn cuagl internet?

Sera d'informaziun cun Diego Deplazes

mardis, ils 12 d'avrel 2011
allas 20.15 ella halla Cons a Mustér.

Il referent vul mussar a giuvenils, geniturs ed interessai il diever e maldiever digl internet.

Cordialmein envidan
La scola populara Mustér
e giuventetgna Cadi

Uniu da commerci e professiun Mustér
Invit alla radunonza generala

Sonda, ils 2 d'avrel 2011
allas 19.00 en Casa Cumin (sala da seduta).

Tractandas:

1. Beinvegni
2. Elecziun d'in dumbravuschs
3. Approbaziun dil protocol dalla radunonza generela 2010
4. a) Rendaquen UCP
b) Rendaquen EX 10
c) Rapport dils revisurs
5. a) Rapport dil president UCP
b) Rapport dil president dil comite d'organisaziun EX 10
6. Program da lavur 2011
7. Exposiziun da commerci e professiun EX 13 – Dezisiun da principi
8. Indemnisaziun dalla suprastonza
9. Elecziuns
10. Mutaziuns
11. Orientaziuns
12. Varia

Sissu referescha Marcel Friberg da Breil, menader dil project «prima Vista», in project che duei mussar la via turistica en nossa regiun.

A stedia participaziun envida
UCP Mustér
La suprastonza

Suenter la radunonza generala vegn offeriu ina tscheina el hotel Alpsu, Mustér. Tuttas commembras e tuts commembers sco era lur partenaria/lur partenari ein envidai cordialmein.



Uniun da dunnas Mustér
Mummas cun affons pigns
Fiera da resti d'affons cun stiva da caffè

Nus prendein encunter bien, schuber ed entir resti da stad e d'unviern tochen grondezia 176, termagls, calzers, sezs d'autos e da meisa, crotschas, velos, eav. Dumnas che drovan ina nova numra, ni han damondas san prender si contact cun Susanne Strupler, tel. 081 936 43 14.

Dar giu resti:

Venderdis, ils 8 d'avrel 2011 dallas 16.15–16.30

Vendita:

Venderdis, ils 8 d'avrel 2011 dallas 19.00–21.00

Sonda, ils 9 d'avrel 2011 dallas 9.00–10.30

Rembursament (minus 20%) e retuorn dil resti buca vendiu:

Il resti vegn returnaus e pagaus sonda, ils 9 d'avrel 2011 allas 13.15–13.30. Per uorden che maunca sorprendin nus negina responsabladad.

Kinderkleiderbörse mit Kaffeestube

Wir nehmen gut erhaltene, saubere und ganze Sommer- sowie Winterkleider bis Grösse 176 entgegen sowie Spielsachen, Schuhe, Auto- und Tischsitze, Kinderwagen, Velos, usw. Frauen, die eine Nummer brauchen oder Fragen haben, können mit Susanne Strupler, Tel. 081 936 43 14 Kontakt aufnehmen.

Annahme:

Freitag, 8. April 2011, 16.15–16.30 Uhr in der Turnhalle Cons, Disentis

Verkauf:

Freitag, 8. April 2011, 19.00–21.00 Uhr

Samstag, 9. April 2011, 9.00–10.30 Uhr in der Turnhalle Cons, Disentis

Auszahlung (abzüglich 20%) und Rückgabe:

Samstag, 9. April 2011, 13.15–13.30 Uhr in der Turnhalle Cons, Disentis Für fehlende Sachen übernehmen wir keine Haftung.

Mummas cun affons pigns Mustér

Uniun da dunnas Mustér
Mummas cun affons pigns
Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni

mesjamna, ils 6 d'avrel 2011 dallas 15.00–16.30

per passentar in bi suentermiezdi da cumpignia el local Artgin.

Per damondas ni sclariment stat Nathalie Lutz, tel. 081 947 61 94 bugen a disposiziun.

Mummas cun affons pigns Mustér



Uniun da dunnas Mustér
Mummas cun affons pigns
Suentermiezidi da Pastgas

Cordialmein envidein nus ils affons cun lur mummas

mesjamna, ils 13 d'avrel 2011

per far lieurs da Pastgas da pasta. Nus s'entuppein avon l'entrada dalla claustra allas 15.00. Annunzi-
as pren Manuela Venzin sut tel. 081 936 40 25 bugen encunter entochen **ils 7 d'avrel 2011**.

Sin Vossa participaziun selegran
Mummas cun affons pigns Mustér

Societad da tir Desertina
Invit alla radunonza generala

Venderdis, ils 8 d'avrel 2011 allas 20.00

en nies stan da tir Sars sut.

Cordialmein envida
La suprastonza

Producziuns finalas Movis – Moviment e sault per affons e giuventetgna

Las 11 gruppas d'affons e giuventetgna denter 7–20 onns presentan lur coreografias ch'ellas han
exercitau durent igl onn da sault 2010/11.

Cu? venderdis, ils 15-4-2011 allas 20.00
sonda, ils 16-4-2011 allas 20.00
dumengia, ils 17-4-2011 allas 17.00

Nua? **halla Cons/Mustér**

Sin Vossa viseta selegran
Ils Movis

Uniun samaritana Mustér

Nies proxim exercezi meinsil ha liug:

Gliendisdis, ils 11 d'avrel 2011 allas 20.00 en casa da scola, Cons.

A stedia participaziun envida
La presidenta



Invit alla radunonza da tgira

Venderdis, ils 8 d'avrel 2011 allas 20.15 en l'ustria Cresta, Segnas.

Tractandas radunonza da tgira:

1. Beinvegni ed appel
2. Elecziun da dus dumbravuschs
3. Approbaziun dalla gliesta da tractandas
4. Prelecziun ed approbaziun dil protocol
5. Rapport dil cau da tgira
6. Rendaquen dil cau da tgira, rapport dils revisurs ed approbaziun dil quen da tgira
7. Fixaziun preventiv per il menaschi da tgira
8. Program da lavur (tgira)
9. Discussiun davart eventualas midadas dallas prescripziuns dil menaschi da catscha (propostas en la gasetta il catschadur)
10. Tractaziun d'eventualas propostas inoltradas tenor (art.12 lit.2) dils statuts
11. Elecziun cumissiun Parc Adula
12. Varia

Cordialmein envida *la suprastonza*
Il president: Clemens Berther

Colonna d'agid Mustér *Invitaziun ad in exercezi*

Datum: **Mesjamna, ils 6 d'avrel 2011**
Temps: **allas 20.00**
Liug: Halla da reiver el Center da sport e cultura, Mustér
Tema: Tuorns

Il parsura: Alexi Dermon

Prelecziun cun Leo Tuor

Mira sut Laax.

Exposiziun da maletgs da Linus Flepp a Laax

Mira sut Laax.

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:
Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00



Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér

Praulas e historias cun Mats, la miur

Eis ti denter 2 e 6 onns? Has ti gust da vegnir cun tia mumma ni cun in'otra persuna d' accompignament en biblioteca e tedlar praulas ni historias?

Mats, la miur e nus dalla biblioteca raquitein a ti ina praula ord in cudisch da nossa valischa da surprasas e quei mintga gada il **secund venderdis** dil meins dallas 14.30 entochen ca. allas 15.30. Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surprasas!

Cun ils pli cars salids e sin seveser tochen gleiti

Mats, la miur

ed il team dalla biblioteca populara Mustér
